



Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA NOVI GRAD SARAJEVO**  
Općinsko vijeće  
Komisija za odlikovanja, nagrade i druga priznanja

Na osnovu člana 10. Odluke o javnim priznanjima Općine Novi Grad Sarajevo («Službene novine Kantona Sarajevo» broj 23/24 i 10/26), Komisija za odlikovanja, nagrade i druga priznanja Općinskog vijeća Novi Grad Sarajevo, objavljuje

**JAVNI OGLAS ZA PODNOŠENJE PRIJEDLOGA ZA DODJELU JAVNOG PRIZNANJA  
“ZLATNA PLAKETA  
ODBRANE OPĆINE NOVI GRAD SARAJEVO”**

1. Objavljuju se kriteriji i rok za podnošenje prijedloga za dodjelu ustanovljenog javnog priznanja Općine Novi Grad Sarajevo u 2026. godini, i to:

**«Zlatna plaketa odbrane Općine Novi Grad Sarajevo»  
«Zahvalnica»**

2. U jednoj kalendarskoj godini dodjeljuju se do tri Zlatne plakete odbrane Općine Novi Grad Sarajevo i do deset Zahvalnica.

3) Subjekti dodjele

Zlatna plaketa odbrane Općine Novi Grad Sarajevo i Zahvalnica dodjeljuje se:

a) fizičkim licima (za života i posthumno) koja su se istakla ili su dala doprinos odbrani Općine Novi Grad Sarajevo, kao i organizaciji života i rada građana u ratnim uslovima;

b) ratnim jedinicama i štabovima Oružanih snaga RBiH koji su se istakli u odbrani općine Novi Grad Sarajevo.

4) Kriteriji za dodjelu

- Zlatna plaketa odbrane Općine Novi Grad Sarajevo i Zahvalnice dodjeljuje se pripadnicima Oružanih snaga RBiH (za života ili posthumno) koji su se istakli hrabrošću i organizacijom u odbrani Općine Novi Grad Sarajevo tokom agresije 1992-1995.

- Ovo priznanje izuzetno se može dodijeliti i pripadnicima Oružanih snaga RBiH koji u toku rata nisu imali prebivalište u općini Novi Grad Sarajevo, a dali su izuzetan doprinos u razvoju Oružanih snaga na teritoriji ove općine.

- Da je kandidat za plaketu postigao izuzetne rezultate u odbrani prostora općine Novi Grad Sarajevo i države Bosne i Hercegovine.

-Za svakog kandidata koji se predlaže za priznanje Zlatna plaketa odbrane Općine Novi Grad Sarajevo, potrebno je Komisiji dostaviti dokaz o posjedovanju ratnog priznanja, odlikovanja, nagrade, pohvale i dr. ukoliko ih posjeduje.

-Komisija će dodatno vrednovati vrijeme provedeno u Oružanim snagama RBiH, invaliditet pripadnika Oružanih snaga, stečen kao posljedica ranjavanja, kao i to da li je prijedlog od boračkih udruženja.

-Da je nakon rata angažovan u društvenoj zajednici gdje je za dobrobit države dao nesebičan doprinos.

- Da u sredini u kojoj živi djeluje i radi uživa istinski autoritet.

- Da su se ratne jedinice i štabovi Oružanih snaga RBiH posebno istakli u odbrani općine Novi Grad Sarajevo, grada Sarajeva i Bosne i Hercegovine.

5. Prijedloge za dodjelu javnih priznanja mogu podnijeti pojedinci, privredni subjekti, ustanove, mjesne zajednice, udruženja i drugi organizacijski oblici i njihova tijela. Predlagači ne mogu predlagati sebe za dodjelu javnih priznanja.

Prijedlog za dodjelu javnih priznanja mora biti u pisanoj formi sa obrazloženjem u kojem se daju svi relevantni podaci o zaslugama i djelima zbog kojih se predlaže dodjela jednog od ustanovljenih javnih priznanja.

Uz prijedloge za dodjelu javnih priznanja potrebno je priložiti i odgovarajuću dokumentaciju.

#### 6) Zabrana i ograničenja dodjele

Općinska javna priznanja ne mogu se dodijeliti izabranim općinskim zvaničnicima i zvaničnicima na višim i nižim nivoima vlasti, kao ni imenovanim članovima radnih tijela Općinskog vijeća.

Općinska javna priznanja ne mogu se dodijeliti državnim službenicima i namještenicima zaposlenim u općinskoj upravi.

Komisija za odlikovanja, nagrade i druga priznanja Općinskog vijeća koja razmatra prijedloge za dodjelu priznanja ima pravo da vrši promjenu predloženog nivoa priznanja u odnosu na dostavljeni prijedlog, samo za veći nivo priznanja.

Jednom kandidatu se ne može dodijeliti dva puta isto javno priznanje.

7. Prijedlozi za dodjelu javnih priznanja dostavljaju se na adresu: Općina Novi Grad Sarajevo - Općinsko vijeće - Komisija za odlikovanja, nagrade i druga priznanja, Bulevar Meše Selimovića 97, ili putem Pisarnice Općine Novi Grad Sarajevo, najkasnije 30 dana od dana objave ovog oglasa na web stranici Općine Novi Grad Sarajevo.

Nepotpuni i neblagovremeni prijedlozi neće se uzeti u razmatranje.

Napomena: Biografije za predložene kandidate obavezno dostaviti u elektronskoj formi na mail: [sekretarov@novigradsarajevo.ba](mailto:sekretarov@novigradsarajevo.ba)

Sarajevo, 01.04.2026. godine

PREDSJEDNIK KOMISIJE

Azem Cviko